



Wes-Kaapse Provinsiale Parlement  
Western Cape Provincial Parliament  
IPalamente yePhondo IeNtshona Koloni

## VOORUITLOPINGSREËL

# FEITEBLAD 7

HERSIENING 1, 12 JULIE 2016

Die vooruitlopiingsreël verhoed dat 'n Lid 'n saak bespreek wat op die Ordelys verskyn, ongeag of dit 'n wetsontwerp of 'n mosie is. Sodanige bespreking word verhoed deurdat die saak op die Ordelys verskyn. Hierdie reël verhinder 'n Lid om te poog om 'n besluit oor 'n saak wat reeds op die Ordelys verskyn, vooruit te loop deur 'n tweede, identiese of soortgelyke saak te opper. Wanneer 'n punt van orde in hierdie verband geopper word, word die Stoel se besluit gelei deur die beginsel dat voortgang nie vertraag word nie.

Die vooruitlopiingsreël is onderworpe aan die volgende uitsonderings:

- a) Die reël is nie van toepassing op die bespreking van 'n saak van dringende openbare belang nie.
- b) Wanneer die Voorsittende Beampte moet bepaal of 'n bespreking op grond van hierdie reël buite orde is, moet hy/sy in ag neem of dit waarskynlik is dat die saak binne 'n redelike tyd voor die Huis sal dien.
- c) Die verwysing van 'n saak na 'n staande komitee sluit nie die oorweging daarvan deur die Huis uit nie. Lede moet egter versigtig wees dat hulle nie die besluit van die komitee beïnvloed nie en daarom moet hulle nie die besonderhede van sodanige saak in te veel diepte bespreek nie.
- d) Die reël is nie van toepassing op die bespreking van die bylae van 'n begrotingswetsontwerp nie.

Die vooruitlopiingsreël is van toepassing op:

- a) Verklarings deur Ministers;
- b) Persoonlike verduidelikings deur Lede; en
- c) Kennisgewing van mosies wat werklik op die Ordelys verskyn.